

INUIT ATAQATIGIIT

INATSISARTUNI



Inatsisartut suleriaasianni § 37 naapertorlugu Naalackersuisunut imaattunik apeqqutissaqarpunga:

1.

Takornariaqarnermi piukkunnartut ilarpassui illoqarfiit annerit avataaniipput. Illoqarfiit annerit avataanni inuussutissarsiornikkut aningaasaliinernut annikinnerugalu nulluunniit aningaasaliisussat amigaataasarnerat naluneqangilaq. Annikinnerusunik inuussutissarsiutinik ingerlataqartunut aningaasaliisussanik pissarsiniarnerit ajornannginnerulernissaannut Naalackersuisut qanoq tigussaasunik iliuseqarniarpat. Tassani takornarissanik sullissisut misigisassanik neqerooruteqartartut kisiisa eqqarsaatiginngilakka, aammali unnuisarfisigut periarfissat, cafe-t, sanaluttartut assigisaallu takornariaqarnerup iluani pitsaasumik tapertaasut eqqarsaatigaakka.

2.

Tasiilami takornariaqarnermi ilinniagaqartitsinissap iluaqutissartaanik Naalackersuisut takusaqarsinnaappat, tassanimi inissisimaneq Islandikkoorlutik takornariarusuttunut piukkunnarluinnartuummat? Aappiuppat, taava Tasiilami ilinniakkat qanoq ittut qaqugulu pilersinniarneqarpat? Naamiuppat, taava taamatut iliuseqannginniarnermut suna tunngavilersuutaava?

3.

Takornariaqarnermik ingerlatsisut praktikkertussanik tiguisinnaanerannut tapiissuteqarnissamut siunnersuummut Naalackersuisut qanoq isumaqarpat? Takornariaqarnerup inuussutissarsiutitut periarfissatut pilerinartutullu inuusuttunut misilittagaqarfigitilernissaanut Naalackersuisut qanoq qulakkeerinninniarpap?

4.

Paasivara Ittoqqortoormiuni umiatsiat kangerluup ilaata VHF-ikkut anguneqarsinnaannginnera, satellit-ikkulli oqarasuaatikkut attaveqarnera pissutigalugu akuersisummik p-mik pissarsiuminaatsitsisartut. Ajornartorsiutip tamatuma aaqqinneqarsinnaaneranut Søfartsstyrelsemut attaveqarnissamut Naalackersuisut pilersaaruteqarpat? Aappiuppat, qaqugu qanorlu?

(Inatsisartuni ilaasortaq, Naaja H. Nathanielsen)

Tunngavilersuut

Sapaatip akunnerini qaammatinilu makkunani takornariaqarneq pileruttorpoq. Inatsisartuni partiit tamarmik takornariaqarnermik inuussutissarsiut pingaartitarivaat, inuussutissarsiummullu tassunga atugassatigut pitsanngorsaanissaq assut kissaatigineqarpoq.

Takornariaqarnermi iliuusissiap 2015-ip naanerani atuukkunnaartussap taartissaanik Naalackersuisut nutaamik annertuumillu iliuusissiuleruttortut paasivakka. Isumagali naapertorlugu ukiamut ataatsimiinnermi takornariaqarnerup sinaakktissaanut tunngasumik oqaluuserinnittariaqarpugut.

Ullut suliffiusut qulit iluanni apeqqutima akineqarnissaat kissaatigaara.